



鐫黃離草卷二

江夏郭正域美命父著


七言近體

朱僊鎮謁岳武穆王祠

鐵騎百年纔度洛金牌一日卽班師可憐少保功成
日未是胡兒運絕時河落平沙吹漠漠雲深寒景下
垂垂蕭森古木陰風起折盡雲中向北枝

簡金省吾老師

三湘士子賦緇衣歸去年來飽蕨薇長揖獨當丞相



怒短章爲請逐臣歸那堪仗策山川遠不信傳經心
事違今日

朝廷需故老徵書早晚出彤闈

宿山寺

古木橫橋渡水隈岩扉幽寂見人開佛龕燭影如花
散樹杪泉聲帶雨來客夢不成聽蟋蟀禪關無主點
莓苔鄰鷄喔喔東方曉好憶江城羯鼓催

表忠祠

祀建文諸臣

伐鼓鳴鐘秋復蒸江城廟貌蕭蕭森漢廷不逐攀龍
客周道仍高叩馬心死去共憐臣節苦生前誰念主
恩深不知裂土封侯者樽俎誰人亦到今

送吳孝甫還吳

忽漫投詩雙眼醒相逢不盡靄雲停洲依芳草能裁
賦棲傍禪林爲寫經江路棹開朝雨白漁歌翻去晚
煙青吳山楚水遙相憶指點天邊見客星

送湯叅知掌憲廣東

詔書一道出明光君到羅浮嶺自香宋帝陵前迎繡
斧越王臺上綰金章瘴江遙帶三湘雨炎海寒飛六

月霜莫道長安相去遠法星遙映紫薇堂

送民部楊惺泉奏計還京

漢家飛輓向敖倉天下征徃半朔方使者片帆出夏
口軍儲五月過淮陽江千浙瀝西風度驛路蕭條水
國涼莫道帝鄉多雨露好將災祲達明光

春日聖駕詣天壽山恭紀

鬱葱佳氣望中賒鳴珮仙官擁翠華雉尾似雲搖鳳
穴鰲山如畫駐龍車百靈風雨開黃道一路松楸帶
碧霞不是漢皇輕羽獵茂林鷹犬日西斜

早朝

上帝晴開百二關文成五色望龍顏雲璈齊度朝元
曲玉等平分供奉班葦蓋影搖風淡蕩銀河水破水
潺湲彤龍金馬謬通藉共步宮墻左个還

上苑聞鶯

禁籞扶疎濯木榮翠微影裏轉倉庚纔聽又斷如調
舌着意一聲似有情寧妬歌喉爭覘睨故遷宮樹更
叮嚀內家不厭嬌多語好多銀笙和玉箏

玉河柳

盈盈金縷繞瑤宮不似新裁自永豐帶雨遠籠長信
影飛花亂點上林紅輕翻綠浪濯晴日謾舞絨綬眠
晚風半拂宮牆半在水無情有態兩朦朧

禁中雨霽

雲開金屋照鱗鱗遠見西山爽氣新長信笙簧調月
曉未央鐘鼓報星晴千層翠出宮中樹一夜清消大
地塵九陌六條迎瑞藹共看天上轉金輪

敖太史老師冊封岷藩便道省覲

玉節遙分出邵陽螭章高捧拜藩王衡山雲淨尋朱

洞楚畹香生采葯房映日文章留禁闥如雲桃李在
門墻南方舊有冥靈樹千歲春秋紀壽觴

送王職方霽宇出守保定

青春杖策初爲郡羽節朱幡載道來人自西曹稱玉
樹地連北極是金臺風傳刻漏嚴更曉日閃旌麾畫
戟開謾道才名高武庫王家世業有三槐

感懷八首

憶昔弘文廩大官裏蹄分賜著冰紈珮撻三殿從容
入賦奏重瞳取次看皇子烹龍陪玉饌中人勒馬控

金鞍至今鈴索頻傳事闕苑深嚴秘宇寒

洪武時故事

其二

幽齋淨日任叢譚苜蓿春肥長石楠草澤入朝同九
九市廛開徑擬三三書傳極北心偏苦酒寄江南味
頗甘不禁鄉心同越馬無如愁思比吳蠶

其三

帝里層城白日斜五侯七貴競繁華瓊樓迭砌忘憂
草寶榭盈堦含笑花都尉盤龍百寶帶平陽走馬七
香車美人歌舞西風度銀燭金樽起曙鴉

其四

縹緲天顏醉碧桃蓬萊宮闕似天高上方弓劍排龍
盾內苑笙鏞插鷺鷥到處笑談消白日一官寥落只
青袍少年裘馬非吾意曾憶逢人解佩刀

其五

小小躬耕負郭田篝燈滴露抱書眠眼看東壁三千
丈手撥雲和五十絃夜坐聞鷄驚舞劍人前捫蝨咲
譚天却嫌稽古成何事屈指年華劇可憐

其六

去歲讀書城外寺攀躋時上最高峰論文樽酒人人
醉說偈山僧日日逢漏盡臥聽窻外雨月明散坐殿
門松焚香禮佛寒星曙細數樓頭五夜鐘

其七

鳴鳩乳燕滿槐廳粉署沙堤騎馬停懸得好珠同結
綠斟來濁酒問樵青未傳世上無聞法且註人間未
絕經夜靜北辰如轉轂雲中那是少微星

其八

吏散人稀對落暉寒風踈柳轉霏微驚殘綠鬢頻看
鏡乍見黃花憶改衣敲月砧聲愁北望隨陽冬鴈望
南飛故人相憶湘江水昨夜傳書到瑣闥

寄韓白諸社丈

欲寄新詩寫不平相思愁絕轉難成夢回月落人千
里雨過窻涼鴈一聲欲以養鷄調僻性更將吹劍比
虛名小槽酒滴真珠響那得狂呼對爾傾

送徐大宗伯致政歸吳

兩疏乞休歸故園蹊成桃李總無言三朝禮樂皆推
轂四海文章已在門白髮幾堪經世變青山還擬答

京集卷之四 卷二 六
君恩乾坤眼底空搖落松菊庭前好自存

其二

三楚棠陰滿道周鄉人爭說自荊州守官分觸先皇
怒請地驩聞父老留共許才名高瑣闥不知心性本
林丘朝廷已見南山豹時俗還驚海上鷗

其三

何曾臥病解朝衣大笑歸來早息機卜就陵園雙鬢
老宦成天地一身歸班聯北斗星辰合夢繞東江蓴
菜肥四海蒼生今在眼烟波莫使漲漁磯

其四

弱冠文章費討論翩翩桃李屬公門十城照動三
日千里驕嘶一顧恩去國有心同北郭銜杯無客報
平原慙慙斗酒寒風度不盡相酬未敢言

雪後徑西苑瞻玄殿出北安門同王季孺姜子

文

時聞殿中簫聲

層峰寫浪出蓬瀛銀漢虹橋倚翠屏隱映珠宮煙水
濶扶疎玉樹雪山明半空雲霧連

三殿平地樓臺接五城

先帝祈靈祠太乙青天若散步虛聲

秋祀山陵兼卜壽宮恭紀

閣試

驚蹕傳呼翠輦遊三秋風雨肅松楸
籠葱煙霧諸陵繞恍惚衣冠百代留
鰲極蟠連看駐馬龍沙蜿蜒識眠牛
欣陪圭鬯升馨日王氣千年卜未休

秋夜讀書

閣試

二十年來一蠹魚頻將吾道問諸居
却憐楊子空投閣不信虞卿苦著書
秋淨天風生木杪夜深涼月下庭除
分明藜火能相照滿架瓊瑤在石渠

題懷智宗侯白雲樓

帝子樓臺傍白雲白雲如蓋吐網緼
仙人鷄犬空中度織女機絲五夜聞
萬木牽風吹宿雨四山叢桂長秋芬
煙霞已自饒城市何事持來又贈君

送吳山人孝南遊閩次韻

排空寒鴈楚天分碧水丹山好綴文
船到螺江衝積雪人來龍洞掃孤雲
擔囊不厭尋三隱着屐何妨味五君
上國總知吳季子新詩共擬鮑參軍

集城西別墅得雄字

背郭林園小徑通
當筵握槊競稱雄
綠陰倒映一池水
紫蔓斜牽滿架風
曲度清商飛雪白
座燒銀燭照花紅
亦知十日平原飲
未許論文此夜同

八分山石洞

田家曲徑轉山陰
忽有神僊洞壑深
窈窕龍宮通地肺
空同石竇見天心
青精露滴如堪把
丹竈雲封不可尋
門外何人迷舊路
莫教流水出桃林

宋明府至日生二子

聞道新還合浦珠
掌中明月照冰壺
細君錦褥開金帳
小婦香棚坐繡襦
况是宮中添一線
共看門外掛雙弧
風流令尹歸來日
湯餅須嘗三百觚

壽英樸宗侯

生平慷慨老能閑
叢桂扶疎亦可攀
萬里上書肝膽在
百年載酒鬢毛斑
君親日月輝雙闕
父子文章似小山
况有絲蘿施玉樹
且看青鳥報紅顏

聞鴈

羣鴈驚飛天雨霜
秋深何事渡瀟湘
不知南北關山遠
祇逐炎寒道路忙
沙渚迴翔江月暗
蘆洲嘹唳海

天長那堪四壁鳴蛩切樓角聲聲黯斷腸

白菊花

籬下秋花歛夕霏黃花曾似此花稀驚霜素艷嬌青
女對酒瑤華照白衣賸有幽香呈晚節不將紅紫點
清暉只愁化作臙脂色猶勝春英滿地飛

鍾子期墓

漢江西去鍾期墓野燒荒荒老樹秋白日雲間鳴玉
珮朱絃潭底泣龍湫眼前杯土千年在一曲孤桐萬
古愁知音寂寞誰堪聽依舊山高水自流

元日試筆

濛濛元日黯江臯寂寂幽壘試彩毫達曙霧淞沾凍
靄遲晴日景薄雲濤經傳漢苑憑誰席曲到陽春調
轉高滿地東風吹苜蓿設斟新酒酌葡萄

送沈觀察之山西右轄二首

四載乘輶按楚天九重新詔下居延星移先帝飛龍
郡春到胡兒飲馬泉倚劔清風看問晉登樓明月坐
籌邊旬宜紫塞烽煙淨次第皇圖日月懸

又

甘棠列栢兩逶迤不事垂楊縮別離鵠嶺春風揮繡
斧鴈門寒雨駐金羈將過冀北看龍種寧向河陽問
繭絲紫氣氤氳干斗極年來名姓滿彤闈

送張副憲入賀

驅車六月下衡陽高捧瑤函拜建章羽蓋飄揚出鵠
嶺法星搖曳入鸞行雲鏃響徹雙璜珮天酒香浮九
醞觴此日君家金鑑錄千秋萬歲有輝光

繡毬花

名花簇繡照流黃巧綴春陰不蕩颺明月密攢嬌女
帳香風輕蹴少年場團團寶絡憑拋擲片片瓊姿費
點粧蝴蝶飛來飛又去若爲蹋去更低昂

寄館中諸友

蓬萊咫尺木天高搖曳春秋試綵毫紫極趨陪瞻玉
几晴宵環聽響雲鏃燃藜夜夜窺金簡作賦人人奪
錦袍好憶故交今寂寞柴門半掩楚江臯

又

江城風物倍蕭森一夜相思滿禁林東觀圖書偏入
夢北扉卮酒可論心瑤華不寄山川隔鴻鴈欲來風

雨深聞道桑林勞聖主諸君何以佐甘霖

洪山寺期殷夷陵曹石首林巴陵三君不至

期君何處梵王家極目停雲望轉奢黃菊有花人不
至錦帆無浪日將斜寧因草具追陪薄莫為珠林道
路賒杯酒縱饒偏寂寞蕭蕭風雨即天涯

月華

盈盈皓魄照簾櫳驚見瑤華散碧空的歷似分天女
錦嬋娟如散蕊珠宮銀蟾遠噴千年藥金粟還飄萬
里風自是文章千象緯依稀寶氣在雲中

送王方伯入計

風流嶽牧識王陽幾載棠陰滿帝鄉拂地碧油明漢
水朝天彩鷁過河梁青陽个闕芝雲滿白獸樽開桂
醕香受計正元推第一早持節鉞到荆襄

送李觀察入計

在苒乘驄已素秋清風坐嘯肅南樓寒帷行部排英
蕩按節趨朝拜冕旒白壁獻將天北極黃麾看擁殿
東頭正元受計推高等獨羨君為元禮舟

鄧山人

華髮蕭蕭一老儒，問奇名姓滿江湖。
腰懸玄景雙龍劍，袖有真形五嶽圖。
指點青囊封馬鬣，飛騰丹鼎駐蓬壺。
知君賸有神僊術，莫遂凌霄不可呼。

送程萬里還江右

程生性氣本飛揚，白眼看人酒態狂。
口授異書從鬼

谷，臂張強弩射天狼。羞稱從事彈烏帽。

程已授幕府從事，見人但

服儒巾慣賦新詩綴錦囊。此去燈花頻報喜，閨中小婦說眉黃。

送任侍御

營門拔薤識任棠，一路風生草木香。
肝膽照人心似水，赤書報主草如霜。
繡衣持斧迴南國，驄馬鳴珂入建章。
莫道帝鄉不可問，澄清今已遍江湘。

送王太守入計

褰帷父老日相從，臥閣題詩興更濃。
朝斗一星飛入漢，過江五馬快如龍。
清風帝里生三戶，赤日天門步九重。
騎竹兒童爭問訊，使君歸騎莫從容。

題姚方伯息命卷

行省春風遍帝鄉，上綸高捧出長揚。
紫泥封去承三

葉御札分題過十行虎拜薇垣天咫尺鳳銜僊詔日
輝光先臣賸有遺弓淚次第封章蒲皂囊

送莫令尹入計

桑田稅駕遍江東花似河陽蒲縣中鵠嶺聽寒僊子
笛蘭臺吹醒庶人風幾年威鳳栖沙渚一夜飛鳧入
漢宮天上郎官朝北斗薇垣紫氣滿青葱

送孟大行使周還京

荷戈候吏擁征騾未夕留君且劇譚又見使星朝北
斗不緣爲客滯周南征人六月秋心揮汗小婦三秋嘆

采藍聖主自皇華應賜問近來憂旱已如暎

春日

春日遲遲度翠微香風冉冉報芳菲鶴穿竹塢窺魚
出蜂亂花房抱蕊飛病起夢回聽藥杵人閒客去掩
柴扉滿園桃樹飄紅雨一陣晴雲捲白衣

無事

春花如醉倚闌干笑折瓊枝裊裊看江燕未來晴乍
雨海棠初放暖猶寒攀條弄蕊從苔徑挿竹編籬傍
藥欄二十四畝今過否東風莫遣五更殘

紫雲庵訪客

郭外度橋尋白社禪房灌圃接青郊人來索酒行厨
供僧定無言坐客嘲拂岼柳條垂竹塢隔籬鶯語出
松梢斜陽笑逐平沙去別向珠林問鵲巢

白牡丹

不將紅紫鬪春枝葉暗花明照酒卮百寶欄前朝雨
罷沉香亭畔夜深時細翻雲瓣霓裳到薦浸檀心粉
蝶知一似華津初浴起胭脂淨洗好相宜

又

春晴百卉競芬芳拂檻瑤華更有香翻恨清平誇李
白肯將濃艷比姚黃夜寒月魄渾相似露冷冰肌濕
不妨顏色分明無點染可能端稱百花王

雨中張郡丞李別駕司理招飲黃鶴樓

晴川漠漠雨垂垂雨滿江干酒滿卮神女雲來行晝
夜大王風起鬪雄雌千家煙火依沙渚萬里帆檣過
水湄信有酒人能畫鶴一尊何日可栖遲

又

樓閣層層上苑墻昔人於此醉爲鄉煙橫巫峽千山

暮雨過瀟湘一水長依舊晴川雲盡白不知塵世鶴
曾黃從教玉笛頻吹徹只恐神僊亦渺茫

送李中丞晉留都司寇

三湘鼓角駐雕鞍九棘刑書下彩鸞幕府風雲生夏
口金陵雨露屬秋官且看丹筆如春暖會見皇恩似
海寬根本留曹煩坐鎮日邊不遠卽長安

送姚方伯行省

春城載酒拂香風江上雙帆轉盡熊楚地山川留臥
轍秦人父老識行驄鸞聲遙度七盤嶺棠影重敷五

柞官不是咸陽偏宦跡姚崇事業本新豐

送孫懷寧督餉淮南

輕裘緩帶縮兵符漢水方城鎮楚都高揭龍旗垂大
纛親提鵠印挽飛芻三千士馬分行隊百萬軍儲藉
轉輸聞道朔方新戰鬪憑君鳴劔弛伊吾

午日放歌

遍地榴花似錦鋪喧天簫鼓賽神巫且拚酒伴如牛
飲更與博徒呼雉盧兒女亂纏臂上縷樽壘滿浸水
中蒲江邊競渡緣何事千載靈均未可呼

題陳子登允文堂

負郭高門枕碧流，門前風雨漲新洲。
城頭煙火千家市，檻外瀟湘萬里秋。
日靜圖書連屋起，夜深星斗傍簷浮。
莫言五畝尋常地，道是元龍百尺樓。

將北上諸文學携具小園

客來載酒具盤飧，穿徑捫蘿過小園。
蟬續殘聲過遠樹，竹搖清影廕衡門。
談玄已集南州士，舉白新開北海樽。
如此交情人不醉，春明意氣與誰論。

北上別郡中知己

秋聲淅瀝響秋蓬，江樹江花瑟瑟紅。
出處東山慚小草，文章南國起雄風。
來從蘿屋辭三隱，去結茅車送五窮。
縹緲紫雲天北極，侍臣遙向大明宮。

其二

蘭槩遙分鸚鵡洲，荷衣重典鸕鷀裘。
砧敲星月催行色，衣染塵沙賦遠遊。
隙裏白駒偏易過，道傍紫鷺不淹留。
那堪別後相思淚，日夜湘江漢水頭。

其三

勞勞送客水心亭，梵宇琳宮晝不扃。
樓自鶴飛雲故

白洲從賦罷草偏青波翻貝屋邀河伯雲暗金門隱
歲星遮莫兩行松菊在故園無恙草堂靈

雨中同陳新之訪舒崇孝修靜寺

策馬寒山賦遠遊招提古殿且淹留高談有客能驚
座下界何人獨倚樓風掩濤聲三嶂雨涼生客夢五
更秋衝泥晚霽還東郭潦倒相期到上頭

寄朱子得太守

江上秋風遠寄曾江頭芳草索胡繩少年紫綬如君
少俠氣朱家信可憑開篋喜看雲母扇揮毫偏灑剡

溪藤風流文藻還千古一盞椒漿薦杜咳

丁美

京山訪李本寧先生

百丈流泉遠碧灣週遭四壁總青山欲從牛背追隨
去獨喜龍門得御還四嶽壯遊金簡字十年青夢紫
宸斑北山猿鶴休相問聞道君恩已賜環

謁顯陵恭紀

先帝飛龍自此都至今朱戶鎖椒塗千官禮樂藏金
匱二聖衣冠在鼎湖楠木潼泉開華路金鳧瑤海護
珠襦翠華遙想來臨日湯沐恩傳父老呼

京山道中

幾日王程已倦遊，饑鳥寒鵲景悠悠。
千峰雲起山容出，百丈虹明雨意收。
路遶稻田行覺遠，泉迴石竇聽宜秋。
沈寥天氣偏搖落，滑滑泥深晚更愁。

襄國主中秋日同黃觀察賜讌輿人促行不能
候月

東平邸第峴山隈，鳳管鸞笙綺席開。
金厄更連驄馬至，清樽不待素娥來。
蒲園灌木搖秋色，一曲霓裳勸酒杯。
歸去月明看似水，恍疑賦罷出蘭臺。

鄭州道中早行

城頭統統鼓五更起，視天漢東西橫。
鷄聲喔喔亂人語，曙色昏昏侵月明。
客子趨路中夜飯，羣鴉驚影繞樹鳴。
自我過此三年矣，轉眼南征又北征。

張玉車邀過竹齋園

東平別館出洹陽，樹杪秋風送楚狂。
臺上涼颼吹縹緲，樹根古石點青蒼。
過淇百里纔看竹，唱渭三聲黯折楊。
日落晚煙人未散，還携樽酒赴滄浪。

彰德陳太守封母壽詩

潘輿搖曳度成臯載道迎恩響八瓊萬里陳情希帝
寵九天錫祉報親勞斑襴紫袖紆銅虎皓首雲冠插
玉搔况復蘋蘩沾霈澤共斟春酒薦金桃

過趙州憶家君守此二十年矣感賦

負弩前驅出趙州棠陰無恙晚悠悠來時尚記褰帷
駐去日曾看扶杖留馴雉兒童今在否種花池館總
宜秋沙堤古道槐風起父老猶能說細侯

聖恩放賑志喜

閣試

司農奏艸達明光載道流離劇可傷黃鳥不聞思樂
土青錢特許散敖倉朝廷痛念堯時水道路歡呼禹
日糧共戴聖恩寬似海千秋萬歲祝君王

題沈先生墨竹

金箋誰寫翠交加墨瀋分明王子家春雨濛朧龍角
長西風黯澹鳳毛斜眼前淇水寒雲度何處湘山暮
景遶好借伶倫吹作管簫韶九奏報重華

送沈誠懸侍御督淮南漕政

瑞日金門氣鬱葱繡衣繡斧響青琬身辭丹闕承天
語路指清江問國風鹽薦虎形看煮海車標鷺羽識

行驄近來如有賢良議封事遙傳入漢宮

送徐光祿南歸

八月乘舟出帝京布帆縹緲逐波平
來因負鼎生官况去為思魚損宦情
玉几春風陪燕好牙檣秋水負鷗盟
憑君已播需雲澤莫使人傳杜舉名

送盧儀部放歸

天風五夜走風塵一路傳聞遣逐臣
只擬殿前書鳳尾那知項下途龍鱗
一封灑盡千行淚七尺驚存萬
歲身聖主恩深君信否宵衣不復候鷄人

題五指峰用丘文莊公韻

芙蓉削翠與雲連一掌分明插遠天
曉霧摩空如指日雨晴揮手欲凌煙
幾經劫運何曾屈為撫輿圖盡
日懸借問山靈真有意如從十嶽鎖平原

又

五峰縹緲鬱相連五指撐持海上天
露下金莖承玉屑雲間玉掌吐青煙
摩挲日月雙輪轉搏弄星辰百
寶懸應有股肱橫地軸遙從粵嶺握中原

立春日詔賜百官春餅恭紀

曉日彤庭樂四懸
懽呼拜舞繞瓊筵
餽傳玉案春綿
薄蔬切金盤錦帶
鮮中使當門迎綵
仗大官負鼎煮
青煙遙傳先帝龍
飛日曠蕩皇恩五
十年

元日侍直殿中

五夜鐘聲徹未央
九天曙色遠蒼涼
彤墀陛楯三千
仗黼座星辰十二
章牙簾紛紜金鳳
下御煙縹緲翠
雲長青陽左箇朝
羣后一日春風滿
八荒

沈少宰請告歸浙

都門柳色未全舒
望望雲飛返故閭
擁傳賜回靈壽
杖稱觴捧進紫泥
書舞衣即在垂紳
日鼎寔分爲侍
膳餘聖主依依勞
夢寐香山奈可滯
高車

壽任徵君

自是風流湖海豪
十洲方丈插天高
銜來青鳥桃千
歲傳得僊郎鳳一
毛盡日看山栽桂
樹有田種稌釀
松醪須臾北海鷗
鵬化始信任公已
釣鰲

劉士和太史請告

卜築西鄰古道傍
古槐高柳共殘陽
狂來說劍風生
座興劇裁詩月滿
堂留客墻頭頻過
酒敲燈雨夜幾

連牀如何意氣堪搖落又挂雲帆指豫章

寄姜子文

一封慷慨達勾陳長劔蕭條走問津總爲羽成漢太子不難座卻慎夫人九天風雨孤臣淚匹馬星霜萬里塵若使當年畱待詔那能抗節逆龍鱗

子文自中秘出

得王季孺館文書

僊舟已遡碧江濤傳得燕書總越吟萬里陳情封馬鬣幾年題字到雞林香山雲淨奚囊滿雪竇苔生屐齒深君去我來渾浪跡石渠金馬兩浮沉

館師周尚書輓詩

青宮紫禁總浮沉冉冉流年萃髮侵曾領諸儒通白虎還將三策典青衿龍蛇不值逍遙日猿鶴寧知出處心忽有玉棺天上下蘭臺琪樹已蕭森

又

玄冬栗烈颯飄蕭鳴珮猶聞侍早朝未有玉魚侵曉夢忽乘箕尾上星杓公卿庭議推三錫拒壘皇恩下九霄貴以嘉名還進爵幽菟何處可能招

送甯爾強祭西河王

青旌文馬過河東
簡命祠官下紫宮
幽具一貞稱漢
使路迴三晉
問唐風石門煙氣
溟濛裏汾水秋雲
指顧中聞說近來
愁早魃君行好爲
策豐隆

春讌

去天尺五是蓬萊
法醞爭傳內裏來
鷓鴣舞殘人影
亂鷓鴣唱罷彩雲迴
催花羯鼓三搥遍
賭酒梟盧一擲開
席地興酣成潦倒
不知斜日過城隈

葦寺郊行

香風嘶馬散林垆
麥雉朝飛麥隴青
夾道槐陰濃似

葢覆墻蘿帶結爲屏
忽驚愁裏三春盡
幾見樽前眼醒
潦倒更憐幽石砌
漁舸舞柴出雲汀

送盛兵部請告歸桐城

灌木陰陰滿道周
馬蹄塵起上梁輶
幾年黃石傳兵略
一夜青山入夢幽
雨後龍峰憑兩屐
棹開桐水漲三秋
韜鈴士馬還誰托
歲月江湖未可留

蕭以占太史使秦歸省

千里秦關百二開
朱幡羽蓋出蓬萊
鳴鑾馬度岐豐去
仗節人從霄漢來
天府繡裳親賜罷
瑤池青鳥下

飛迴還家獻壽承恩日好進芙蓉露一杯

鄒汝光太史使衡歸省

詔乘六傳下衡陽簡命分茅過帝鄉紫蓋朱陵迎使節
衮衣繡輔拜藩王西江橈轉趨庭日南斗星輝獻壽觴
自昔國風無楚調一憑太史問瀟湘

季亦卿太史使韓

鳴鑾搖珮響玲瓏玉冊金函下紫宮
身着錦袍歸苑洛手持彤管上崆峒
馳驅駟馬三千里指顧關河百二中
欲採秦風還奏賦只今邊境已和我

梅仲舉侍御按貴陽

赤墀拜命按羅施遙指盤江是路岐
嶮峒遠迎驄馬使苗民半屬長官司
瘴雲起處看行部蠻語聽來可賦詩
莫道鸞車徧徼外法星從此照諸夷

余君房督學關中

自是西京作賦人詔排英蕩表人倫
遙沾化雨行分陝共挹文風已過秦
二華煙嵐搖彩筆五陵豪傑逐朱輪
須知吾道還豐鎬濕有苓兮山有榛

又

香風柳肆縮青絲路指秦川匹馬遲百二關門占異
氣三千弟子誦新詩花明日麗玄都觀雨霽雲晴皇
子陂我憶美人何處是汝墳漢唐好相思

送人宰蓬溪

鳥道崎嶇躍錦鞵起家為吏自潼川上堂日永栽花
縣夙駕星言種芋田珠水繞流明月夜風門吹醒華
陽天懸知賣卜成都者道有郎官一宿懸

徐隱君夫婦六十

聞道徐公百不憂畫船簫鼓泛中流兒孫滿眼供調
笑尊酒逢人可自由海上神僊三萬里座中王母幾
千秋玉堂咫尺傳佳氣何事僊家十二樓

楊令尹像贊

尹霍山時禦海寇有功尋以母老棄官

寫出神君望不迷人言伯起自關西邑當羣盜來銅
馬身障孤城破水犀桑柘影看朝雉化庭闈懽念夜
鳥啼傳家忠孝箕裘在次第天書照紫泥

送黟縣李尉

蕭蕭匹馬出燕關拜命為郎鬢欲斑墨嶺似雲環縣
郭湯泉如沸遶溪灣枳花滿地訟堂靜桑葉成陰租

吏閑莫以才名輕簿領鳳鸞栖處可能攀

張不波宰富順

桐葉槐花蒲路岐家山路遠莫棲遲却看鳥道鳴鑣
過正是猿聲徹夜時種芋春回巴子國乘槎人到月
支池知君戀關心偏切望望雙鳧有所思

問訊李先生

學步當年事未孤雙魚消息十年無巖扉何處關三
徑漁艇誰人共五湖聞道近來偏善飯不知門外可
懸瓠緘書涕淚增搖落猶有嚼恩一寸珠

寄王十岳

題詩慙愧拭龍巾萬里緘書憶美人少自猿公學劍
術老超香象禮金身半生烟水能招隱四壁圖書可
食貧定有神山超五嶽何時飛度轉風輪

次徐大宗伯先生韻

喧闐紫陌散繁珂忽有南薰到北坡黃髮星辰閑露
烏赤松杖几護煙蘿問奇載酒吳門滿學道刪書魯
壁多猿鶴寧知天地意莫將歲月老巖阿

黃觀察入賀還

東坡全集卷二
二七
卿雲繚繞漢宮鋪一夜金風響帝梧酒挹天飄分露
滑珮環御几效嵩呼朝迴四岳仍薇省行過三秋已
橘涂君是黃瓊多廟略早看畫艇出西湖

寄周戶部蓋之遼陽

邊城塞草白茫茫飛輓軍儲過戰場幕下丁男紅獸
錦寨前甲仗綠沉槍胡笳明月關山遠戍鼓涼風秋
夜長爲道周郎多妙算不教烽火過遼陽

送王中翰請告歸浙兼憶王季孺館丈

供奉詞林第一流名成翻起故鄉愁人從太乙分青
火書就凌霄笑白頭天末遠風吹薜荔夜寒落葉下
梧楸還家兄弟連床話不說池塘夢正幽

送湯義仍之南都

爾汝論文氣欲驕何時匡坐轉招搖逢人道上語牛
鐸度曲明庭響鳳簫楊柳白門秋色老蒹葭南浦客
舟遙惠休怨別知何似定有新篇賦沈寥

賀學博之太康

賀姻楚藩

蕭瑟寒風拂地吹送君匹馬大河湄更憐絳帳傳經
日正是朱門設醴時禾黍遠經微子國煙雲猶護夏

王祠宮墻試問諸年少河洛文章可在茲

胡靈昭分巡南昌

征帆十月下洪都滿目寒雲鎖二孤一路山川迎皂蓋幾年姓字在青蒲龍沙遶郭連三澨鐵柱通江帶五湖何必功名傳抗疏看君肘後有麟符

白塔

亭亭百丈玉浮屠鶴影飄颻不可呼欲轉銀輪如現
在未知白馬肯來無長空日霽雪山曉淨土雲標水
月孤清磬杳然人世隔上方花雨繞皇都

廣寒殿

遼后洗
妝臺

苑西古殿鬱崔嵬輦路雲封畫不開樹老千年能化
石池穿億劫有殘灰虹橋依舊通牛渚露瓦分明見
鳳臺門外疏碕田萬頃我皇時駕六龍來

吳孝甫至

寂寥庭館夜沉沉搗練人家起暮砧梅蕊鬪寒出榦
小蘭芽經雨沒苔深九歌有客堪同調一石留君恐
不禁憶昔江城同潦倒愁予眇眇到于今

送司寇耿先生掌憲留都

司寇當年自魯儒，詔將獨坐典留都。
三章此日還誰共，六籍于今也不孤。
道上風塵曾避馬，府中列栢又啼烏。
門前多少傳經客，爲問東家更有無。

又

金陵宮殿自天開，御史中丞運斗魁。
卿月高懸鳩鵲觀，法星搖拽鳳凰臺。
驚看袖草朝廷肅，未許肩墻第子猜。
共道龍門高萬仞，門前還有孔融來。

冬夜集周啓明宅

良夜迢迢笑語譁，寒星瞥瞥斗杓斜。
金波下地涼如水，銀燭當筵亂吐花。
四座酣歌傳白雪，一瓢對客煮黃芽。
由來官閣梅花樹，還傍僊郎粉署家。

上丁分獻

孔廟同朱兆隆賦

駿奔秩祀儼清霄，寶炬星輝照碧寥。
玄酒裸將欣薦玉，青衿拜舞擁環橋。
神來恍惚瞻周冕，曲奏分明聽舜韶。
幸執豆籩爲弟子，宮墻千載未應遙。

春夜同劉玄子吳孝甫集朱宅

夜漏沉沉席每移，樽前明月照新知。
喜逢公幹升堂日，正是朱家好客時。
譚劇似從窺二酉，交情何事挹

三危更憐季子觀風至共折芳樽慰所思

送孟谷餘守建昌

禁闥新分太守章
僊舟搖曳下江陽
雙幡雲鎖壺公嶺
高蓋風飄華子岡
五彩定看神雀下
兩岐曾見麥花香
君才不減謝康樂
應有新詩滿建昌

遣祀景陵恭紀

諸陵獨景陵簡朴

宣皇陵廟天山裏
王氣葱葱鎖帝梧
只見丹臺餘寶鼎
不聞銀海繞金鳧
千官露鳥朝珠隴
五夜雲車下紫都
記得當年巡幸日
道旁駐輦問農夫

宣德十年事

香山寺

寺入香山古道斜
琳宮一半白雲遮
迴廊小院流春水
萬壑千崖種杏花
墻外珠林疑鹿苑
路傍石磴轉羊車
四天天上知何處
咫尺輪王帝子家

碧雲寺

鳥疊千盤皆古刹
風幡雨鐸滿西山
池邊施食遊魚鳴
鐘夕鳥還慧日香
雲爭滉漾靈花忍
草爛寶王不動皈
塵劫度盡恒沙也未閑

送羅中丞鎮保定

澤沱南去繞郎山詔領燕師長百蠻高揭碧油臨上
谷獨搖白羽控三關當年攬轡風塵淨此日行軍鼓
角開不用黃金臺上客坐消龍雀佩刀還

畝國博魏季朗

官舍蕭條喜見君題詩槐市早相聞著書歲月同玄
晏繫馬堂堦類廣文座上青氊寒似水人前彩筆掃
如雲當年魏朗成何事八俊才名已不羣

送周啓明觀察楊州

僊吏含香歲幾迴詔將繡斧出金臺水部十年依日

月海門一道起風雷洲從瓜步鳴鑣過人自蓮塘跨
鶴來若向花神看芍藥黃腰一朵待君開

雙松圖

密密寒陰冷欲屯亭亭雙影璫黃昏千年並化青牛
老五夜同巢老鶴翻雷雨暗摧蒼蘚落兒孫盡出白
雲根只今枝幹龍髯繞玉露金風萬古存

送胡汝拱轉餉蘭州

蘭州西去隴雲生路遶黃河此送行甲馬三千馳狄
道丁男百萬轉金城牙籌軍吏傳飛輓毳服蠻夷盡

請成蘆管吹來聽折柳好憑朔鴈寄邊聲

送余太史冊封周藩

平臺驛路響鸞鈴拜命藩封下紫庭漢室戾王河似
帶周家帝子弁如星旌搖沙海暮雲碧雨過金堤芳
草青試問鄒枚人在否君來作賦許誰聽

萬玉山房爲司吏部賦

江郭卜居草堂靜蒼筠紫蕚幾多藜清風脩脩起林
杪鳴玉瑟瑟敲秋空簫管聲中下鳳鳥珮環水上搖
玲瓏主人詩就嘯歌發響徹琅玕更不同

送駕

葱葱瑞氣出天闕霜仗星矛接遠山七萃行時握虎
帳五雲深處見龍顏黃麾路指松楸遠朱鷺聲傳鼓
角閑載道欣看金鎖甲城頭遙集紫宸班

候駕

宸游喜值次寥天輪轉西方問法筵仙樂雲行敲碧
落靈花雨散響紅泉纔移蓮社香山外傳向桑乾曲
水邊甲馬紛馳千駟過卿雲遙護九龍還

魏王鄧三國學夜集談奇字

嚴風獵獵吹庭柯有客乘風並馬過尊酒可同文舉
否玄譚孰與子雲多任教說就丁生尾莫使書成豕
渡河涼露滿天天欲洗當筵不飲奈君何

早朝

寒星馬首莽蕭蕭五鼓霜天報早朝床下不堪聽蟋
蟀枝頭聊且賦鷓鴣纔看玉殿初頒曆又見金門已
賜貂冉冉流年憎綠鬢敝裘無奈朔風驕

題方大司馬大隱樓

危樓縹緲插江天撲地人家壓市廛倚檻自能窺日
月浩歌猶可淨烽煙龍洲百里當窻過魚嶽諸峰在
眼前莫道樓居成大隱當年曾此號籌邊

紫薇亭

為方司馬賦

草徑無人掩石扉庭花一樹弄春輝當年晝漏傳高
閣好憶黃昏對紫薇雨裊香茸看冉冉風吹小瓣故
飛飛浮生宦跡同花信為道中書願不違

送尹乾泰之大名

十年竹馬舊兒童長大來迎瓠子宮黎水重清樞漢
節旌丘無恙屬王風當時戀闕曾飛鳥此日專城有

畫熊縣邑爭看新太守甘棠勿剪在清豐

舊清豐尹

送客

縹緲輕帆去不停南風一陣過雲汀人前猛氣譚三甲袖裏真文駕六丁乍可相逢開白眼不知何日破滄溟乾坤落落還公等莫向江湖老客星

草堂初成

結廬人境兩三重窮巷蕭條且閉冬蓬戶儘堪禁剝啄茅簷猶可曬蒙茸爲餐新笋頻移竹欲聽濤聲故種松今日馬卿真四壁又無車馬過臨邛

送葉司理克修之比部

父老留君君且遲忍聞南浦吹參差江籬到處堪爲佩漢水年來可照眉輒跡幾過黃鵠嶺家聲莫厭白雲司都官自是多豪俊好看堂前姓字碑

送汪象先使楚諸藩

賦罷晴川草未齊更啣天語楚雲西共推文藻承司馬况有流風在大堤好對諸王誇鳳鳥莫言兒輩厭家鷄不堪歲暮長爲客一路寒山送馬蹄

汪太學任別駕枉過得歌字

蕭索寒聲下薜蘿
朅來二仲肯相過
地如蓮社人還醉
壚似黃公酒更多
銀燭三更吹菡萏
冰盤一筋煮桑蛾
莫因潦倒言歸去
各擬當筵子夜歌

送安大行使楚還

前旌縹緲度平沙
到處爭看使者車
帝子王孫分玉璫
彤車白馬賦皇華
野田春盡泉猶涸
隴上風高麥未花
采得楚歌應奏牘
早將雨露報官家

送蔡青門參粵藩

詔書一日來京國
疋馬看君又嶺南
幾載江洲真有

道到時泉水不名貧
詩成鶴渚梅花落
酒熟羊城海

錯甘楊柳似帷雲
似葢三千弟子擁
征騾楚有道州
粵有貧泉

送程萬里

扁舟四月泛重湖
風送輕帆下小孤
萬里只憑三尺劍
十年不寫五行圖
傷心錦字傳新婦
得意丹砂付兩奴
我欲留君君住不
白駒無計與青芻

劉生

新開白社可攢眉
漉却頭巾付與誰
自是旅貧難索酒
莫因講道廢題詩
風高却惜花多信
客到翻嫌燕

有泥尺五柴門吾不閉明朝早起莫晨炊

送劉憲長之浙江右轄

輾轅夏汭轉飛熊紫氣葱蘢茗水紅石室舊章傳海
國棠花新樹滿江東六橋塵淨連僊苑雙閣名高傍
帝宮自是清風過劉寵一錢不敢獻山中

聞警

七月烽煙太白高傳聞胡騎過臨洮營中司馬初傳
檄塞上將軍始佩刀好向白登擒火魯誰於青海控
黃毛一從講市開和議二十餘年解戰袍

壽建昌林郡丞

佐郡風流興不孤盱江父老祝蓬壺瑞雲日暖蟠龍
石甘雨泉飛滿蛤湖境內洞天名小有城西僊子是
麻姑更看青鳥傳佳信玉刻麟符下紫都

送甘御史歸臺

一疏天門兩賜租三湘菜色已全蘇殿前封事都焚
草道上流民有繪圖片片衡雲隨攬轡聲聲列栢聽
啼鳥三年大旱應無恐始信甘霖望不孤

又

繡斧巡行遍帝鄉，又將白簡侍君王。蒼生望日歌鴻
鴈，墨吏聞風避皂囊。按楚已看驅旱魃，朝天定爲掃
欃槍。只今西北多戎馬，竚見飛霜靖朔方。

送羅敬叔還江右

雪花如雨點輕航，屈指歸程返故鄉。不肯低眉多結
伴，可憐孤嘯未爲狂。詩成時洒陵陽淚，錢盡惟看阮
客囊。滿眼彫龍與繡虎，如君一諾許誰當。

顏令君有子新克博士弟子

宛溪山水盡文章，飛出卿雲自武昌。花縣久栽仙子
桂，藍袍分得令君香。抱來楚壁真堪獻，賦就湘靈好
更狂。來歲公車應待詔，後先鳧舄到明光。

壽朱別駕

瑤華滿眼歲將除，此日逢君度欲初。街鼓不鳴驚刻
漏，訟庭無事鑄刑書。仙官雲擁三株煖，壽曆明開幾
葉舒。我欲登堂祝大老，稱觴惟有武昌魚。

除夜酌任白甫宅席間分得梢字

歲暮寒花點露梢，青蔬白飯壓陶匏。燈開菡萏紅將
斂，酒浸葡萄綠未凋。堂上可懸高士榻，梁間還結小

兒巢年華流水看明日林壑何心肯獻嘲

又得歲字

鄉心一夜消殘歲華堂進酒香風細天涯樽俎話桑
麻客裏衣裳裁薜荔春意先舒隴上梅歸程欲問淮
南桂年年歲歲柰春何放歌莫遣柴門閉

又得無字

今我不樂歲將徂醉後耳熱呼烏烏架上有戈揮白
日囊中無藥點青蚨燃燈祀竈香三炷閉戶留賓酒
一壺坐待鷄鳴街鼓動百年天地總吾徒

樊山雨

楊花未放麥苗齊滑滑泥深沒馬蹄遙嶺雲蒸將作
雨高塘水怒半成溪電開帝笑諸天曉雷起兒聲何
處啼路遠行人愁日暮前村驚聽午時鷄

贈明卿先生

不辭風雨走康莊總爲名園翰墨香願向孔融通客
籍敢於玄覽覓文章十年夢想登臨遠五日泥途道
路長纔拂衣塵隨載酒又從孺子濯滄浪

雨過明卿先生北園

浦林修竹助嬋娟幾朵香風長木蓮何事雲迷小有
洞居然霧鎖大羅天猶堪着屐尋花徑更許乘流泛
酒船黃菊開時期後會莫將風雨妬攀緣

壽吳夫人

遲日香風百卉生西來金母下霓旌瑤池爭似家園
好火棗堪同桂子明紅玉飛香浮栢酒赤霜搖影照
瓊英夫君自有雲和曲好共樓頭調鳳笙

送馬大叅過淮

清風幾載在南床又擁油幢到武昌百萬軍儲供上

國三千畫舫過淮陽馬行綠柳長堤猿岸夾桃花春
雨香人道外臺多歲月早懸金印出明光

題海粟卷

四大海水揚洪波一粒之粟能幾多海水不大粟不
小須彌芥子果如何亦有壺中藏世界任他塵裏戰
修羅道人醉臥海南曲乾坤回首日高歌

送李少卿還楚

長風黯淡畫爲暝淒切驚鴻不可聽只擬天門驅虎
豹那知白日下雷霆封章不盡孤臣淚未死全憑九

郭美命書離草 卷二
廟靈此去主恩寬似海天涯一路草青青

送丁右武觀察入賀還楚

衡岳晴雲簇馬鞍漢廷文雅說丁寬來趨今日瑤池
宴共指當年鐵柱冠秋淨明河卿月滿風搖閣道帝
梧寒朝回擁傳江干路多少波臣仰面看

雪晴早朝

閣道傳呼肅早朝太平雨雪不盈條雲間瑞葉烟光
濕殿上瑤華日影搖萬樹青葱融玉馬千官羅列插
金貂浮霞北闕移丹伏積翠西山照碧寥

卷終

鐫黃離草

江夏郭正域美命父著

禮佛三十首

辛卯閏晦是結夏之期謬以識心仰讚希有一日
成三十首依韻爲聲隨機闡瀆不離文字實藉薰
修但恐以贊爲謗更圖以身爲證耳

禮佛焚香願不窮衆生好度度虛空喜看妙相琉璃
色聞說諸天瑪瑙紅何必想成同水月肯將心動問
幡風誓從五濁超三有會脫羣迷證六通

當日拈花也撞鐘至今釋子問真宗東西指點有何
意棒喝交馳未可從大梵名爲堪忍界毗盧遙數妙
高峰錫搖行者呼雙虎鉢穩真形蛻毒龍

百戰歸來魔未降坐看日影透南窓誦經寧是傳心
印禮佛聊爲折慢幢誰向毛端傾大海何緣一口吸
西江可能日日空諸有居士于今不姓龐

曇花如雨放禪枝眼見眉光禮大悲不用金盆承舍
利且于濁水照摩尼六宗此日誰能破五戒吾今未
絕癡不信虛空生大覺請看芥子納須彌

譚劇頻將玉塵揮從他世事與心違纔知亡子家原
富始信貧兒珠在衣自性可堪持佛佛諸天未許想
非非匡牀兀坐應無事戰勝何功體便肥

無明何處覓真如煩惱于今也不除多寶瑤空呈瑞
塔八池神水瀉珠渠官閑濁世跨金馬夜靜空堂響
木魚小結茅菴供古佛當年不數化人居

年來不是學僧趺說法于今無也無欲向王城登鷲
嶺更看娑竭獻龍珠三尊忽爾開蒸蛤百丈勿爲度
野狐禿髮壞衣非我事疑城盡倒愛河枯

僧俗人人迷不迷泥洹未許勝泥梨往因彌勒多名
累宿世牟尼也有妻簷外風雲看野馬甕中日月問
醯鷄若非蠢動皆成佛不信松枝肯向西

焚香發願誓清齋莫道參禪事不諧日日早除佛殿
草朝朝且運石頭柴夢中還夢誰先覺生到無生未
有涯何事青蓮窺妙相那須白骨觀枯骸

學道何須問灰梵王自有光明臺當年傳法惟迦
葉到處參禪有善財東土真經來白馬西方大意熟
黃梅如來自是無來去怎似人間歸去來

結髮從來已解文曾知說法弄聲聞生平幾見恒河
水到處欣看花樹雲秘密真言俱斷簡人天寶塔總
荒墳何時可得無生忍莫到西天說楚氛

墮地年來事事新胡爲世事也情親已知萬法真如
電其奈三身易轉輪一切含靈原是我未成胎息問
何人嗔風喜浪俱無動覺海今看渡苦津

稽首巍巍兩足尊蕭然獨坐在祇園獅王踴起金剛
座寶樹分開甘露門我欲皈依不解問佛如授記已
無言難將戲論求真諦十地修成總六根

如來滅度舉金棺此後求真事事難大戰修羅藏藕
孔雄吞金翅啖龍肝謾言俗士皆居士可道高官是
宰官羅列杯盤非淨肉滿園花鳥豈旃檀

幾將靈藥駐紅顏聞道神仙也不閒長壽有時輪地
獄諸天或恐墮人間雙環未必超三界九轉何如問
八還巨核可勝優鉢果雪山不比大蓬山

落日西方似鼓懸大千世界幾三千香焚木偶原無
用坐老蒲團不是禪却咲飛蠅鑽故紙獨憐良馬走
空鞭若言無事真無事面壁何爲到九年

幻身無實等芭蕉未見紅爐雪已消蘆葉好尋初祖
去蓮花莫負遠公招糞丸香樹應難刻螢火須山未
可燒大士雙幡來縹緲導予淨國路非遙

經師論律各相嘲我有宗風問大茅厨下慈心降巨
蟒山中忍草縛饑蛟試翻貝葉從龍樹更結松枝比
鵲巢共道雲中天鼓震上方金磬一聲敲

曾將麻麥易瓊膏又脫珍衣理壞袍心冷火龍歸舍
衛道成平地湧堅牢雄譚只道鷄多耳說法何如龜
有毛馬兔不知成底事渡河香象影偏高

當日人呼悉達多百千萬劫入三摩滿池都種奔茶
利繞舍周遭波演那下士好持鉢塞莫上天也散曼
陀羅晨鐘暮鼓求婆挈禮拜皈依念索訶

聞道修行只在家也將朝服比袈裟放參不用神人
供說法無須天女花豈有眼中看二月何緣宅外問
三車談空說性都無有且問當場毘奈耶

掌上分明有道場西方之外又西方七重珠網千花
發一片金池百寶救生世惟憑蓮蕊放佛身常現白
毫光不須水觀還水想上品刹那不可量

無言無念學無生自度還須度有情却笑無師成獨
覺更憐有法只聞聲天寶救成纓絡網風輪遙住水
晶城日來月往須臾事肯向人間浪得名

碧煙週遶佛頭青無住禪機總不停莫以三乘分頓
漸好將五陰比狂醒聞修曾似鶴巢頂願度寧如鵝
聽經欲問真心何處是驀然殿角響風鈴

日月皈依佛法僧往因我昔禮燃燈蒸砂自是難爲
飯見水安能解識冰須信世間惟四大不聞證果有
三乘菩提明鏡渾閑事神秀何曾讓慧能

東西南北總神州天上人間日日愁誰信四禪猶有
難未知六道幾時休要尋真性看瓶水莫以浮生戀
海漚八鏡重重還自照香花好食雪山牛

試覓真心不可尋吾今爲汝已安心好聲常聽頻伽
鳥香氣如聞簷簷林日觀樹觀琉璃觀梵音妙音海
潮音我說如來君未信世尊希有好來臨

世尊出世比優曇八部天龍箇箇叅輪以示人惟指
五覓之不得有心三當年只說法無上今日誰知道
以南賢劫須臾看補處更將彌勒與同龕

年來齒落又微髯也向中邊試密甜丈六金身看寶
相五千龍藏帖書籤照心休覓潭中月見性須嘗水
裏鹽妙湛總持還不動我今得果是楞嚴

那論七聖與三凡混沌由來竅已剜食藥可能同藥
善燒香應許比香巖佛前燈影傳千聖座上經文誦
幾函萬法何歸君信不當年只問趙州杉

送何侍御謫楚幕還京

三疏都人歛手看脂車秣馬出長安衡書不厭囊中
草入幕那尋柱後冠薄譴未嫌七澤遠還家只在五

雲端君恩儻念城門閉故劔猶然照斗寒

憶劉介徵太守

會稽聞說佳山水君到青油點翠屏龍挾梅梁飛鐵鎖風吹竹管響柯亭春行綠野車高蓋夜擲銅籤閣有鈴共向若耶看劉寵依然父老蒲山庭

送俞羨長

白蘋風起好揚舲送爾天邊處土星黃鶴題詩驕李白塞姑勸酒傲樵青密持白業求真果靜聽玄言似佛經醉後狂來偏意氣生憎漠北有王庭

黃鶴樓

黃鶴高飛去不留丹梯縹緲鎖丹丘遙連瀛海三千界似接神仙十二樓滿眼帆檣飛漠漠一天烟樹晚悠悠却嫌李白少情事不肯題詩在上頭

壽周兵憲蓋卿

清風幾載遍羊城南浦珠還顆顆明餉轉西江飛短檝曹分遼海請長纓春行塞上誇三表夜聽軍中轉五更若是亞夫多廟略西酋從此報昇平

又

朱輪白馬過扶風拜領天書有賜弓銅虎獨分三輔
郡牙旗出鎮九成宮秦碑漢碣看題遍酋長羗兒獻
壽同若爲長生求上藥時將小隊過崆峒

送伯兄美秩赴春闈

金羈白馬紫遊韉早起京都選佛場自是雄文推大
陸人言小第讓元方君王獨賜紅綾餅天女先裁雲
錦裳得意春風堪並轡長安鳴玉響琅璫

答陶二府

佐郡風流髻未絲時聞南浦吹參差爲郎獻賦人爭

羨抗疏藏名事已竒入楚休裁哀郢頌留黃竹有
陶詩相思欲醉磯頭月無奈煙波到又遲

雨宿玉真宮禱晴

乘風泠泠朝虛皇一夜大雨寒蒼涼纔過齋宮焚寶
籙俄有紅景騰扶桑白霧欲歛山背出靈旗一展海
天長徙倚最高峰頂上垂垂星斗滿衣裳

登天柱峰

千巖萬壑費攀援躡盡丹梯禮至尊似駕羗龍朝絳
闕真看九豹守關門諸天此去高多少北斗原來近

可捫混沌乾坤只一氣雲車風馬滿中原

又

鐵鎖橫騫七十峰高峰獨起插鴻濛平瞻帝座黃金
屋俯拾僊橋白玉虹只見風雷環下界不聞鷄犬過
雲中一聲禮佛林巒震恍惚玄君或可從

張真人像

有真人誥軸

先皇遺詔到仙山爲訪高真問大還肯以龍章天上
去空餘銅笠在人間似憐黃綺稱臣晚獨伴玄冥盡
日間鸞鳥鶴不來雲路杳羽流猶自說仙班

南陽臥龍岡

松枝擡葉影朦朧下馬階前拜伏龍古路尚餘三顧
迹中原不試七擒功風雲常鎖南陽郡日月重懸自
帝宮今日羽書西北亂誰將八陣問元戎

酬沈明府

蒼忙驛路走寒雲下馬相逢夜火分愧我遠非郭有
道多君絕似沈休文不堪孤憤排青瑣時灑雄豪滿
練裙聖主只今思故劍衡陽回鴈早相聞

襄王賜宴

飄飄飛蓋出門東
報道賢王過雪宮
陽馬臨風吹藻井
陰虬吐水滴
晴虹筵開席上傾
三雅客到門前引
八公何事蘭臺誇
盛事只今無處不雄風

趙州哭先大夫

先大夫罷石橋稅築牆禦盜自趙始

黯淡流雲白日荒
春風涕淚灑垂楊
石橋自昔無橫吏
沙海于今盡短墻
社稷真堪同畏壘
衣冠不忝葬桐鄉
蕭蕭宰木皆風木
望望黃腸欲斷腸

送周元孚謫澄海

一日黃風滿路塵
黑雲隊隊擁征輪
不聞塞上誅梟

虜先見中朝
逐虎臣海外
蠻煙迷紫燕
漠南胡騎嘯
青燐鱷魚莫遣
潮陽近到處
風雷吼殺人

送李維禎先生行省河南

當年繡斧肅清霜
此日熊車駕乘黃
良岳山前喬木古
玉津園裏百花香
馳驅不厭來周道
留後偏宜在洛陽
汴水澄清明月夜
家家門巷有甘棠

又

紫薇行省聽鳴騶
祭戟門前擁碧油
總爲股肱分帝力
故將岳牧表中州
如雲沙海雄周鼎
似帶黃河護

楚丘西北只今戎馬亂君王早晚借前籌

送梅侍御監軍朔方

殺氣秦中太白低圍城不肯豎降旗
憐君勇奪三軍帥抗疏先行六月師
會斬鯨鯢封作觀更追徽胤勒爲碑
歸來早拜彤弓賜不負臨戎聖主知

又

朔方叛將與降夷大帥元戎未敢窺
莫使匈奴防漢策休言河朔似唐時
提兵且斷潼關路選勝須過花馬池
四路偏師搗大夏肘間金印好垂垂

楊太史冊淮藩入閩省覲

太史銜恩出未央金書玉簡拜淮王
康山對雨堪乘興薦福題碑事未荒
載酒可同鸚鵡綠還家正及荔枝黃
龍章捧出慈顏喜萬里春暉到北堂

王掌科冊韓藩便壽二母

詞臣簡命出薇垣馬首秦川指故園
北去韓侯新錫命西來王母又承恩
魚軒並駕行春圃鶴髮相看舉上尊
鳳曲龍笙稱大斗龍章鳳軸滿家門

莊太史冊封禹州王

玉節金幢下禹州藩王受命拜龍旒經過夏后分封
地嬴作周南太史遊柳葉如雲遮廣陌槐花似蓋滿
西郵釣臺眺望頻回首混合中原幾百秋

周太史冊魯藩便壽伯父伯母

靈光宮殿鬱崔嵬魯國侯王邸第開共迓使星來汶
水又看歸騎過魚臺當年蠟鳳燈前戲此日銅龍闕
下迴何必竹林誇往事阮家諸子信多才

焦太史冊周藩

帝城寶馬金盤陀遙指中原五月過神鼎定來沙是
海玉符分去帶爲河宜春苑裏琪花發萬壽山前御
柳多王子王孫來問政周風周雅好賡歌

胡汝拱以初度日之蜀

天風飄飄吹柳絲橋西萬里好相思槎乘河漢正今
日門掛桑弧又此時酒憶郢筒爲大斗山連魚腹寫
新詩六龍迴處君行過此是扶桑第一枝

送蕭際虞宰六合

不淺交遊二十年斗邊龍劍各風煙君今上應薇垣
宿棠邑重揮單父絃芳草澗邊花似綬靈巖山下雨

如泉留都高帝與王地早晚名高尺五天

寧夏紀事四首

用葛仲明韻

烽火連天照賀蘭休將欵塞報呼韓降夷久諳中朝
路叛卒休窺大將壇刁斗月明驚隴右羽書風送到
長諸君努力收全勝九塞于今駐馬看

其二

套虜稱臣幾歲年不聞元帥坐籌邊妖氛一日起靈
武胡騎三千過酒泉紅粉如雲隨馬革青燐似雨泣
狼煙已捐主爵封侯印肯惜司農少府錢

其三

帝城得歲好行師十萬連營盡虎羅早障濁流乘壩
上莫驕胡馬過秋時火雲隊隊飄前陣落日蕭蕭照
大旗浪說健兒多戰歿將軍未有報瓜期

其四

中朝一日起廉頗鹿酒休調熱洛河豈有一城皆北
虜好從間道度黃河葉公此日云胡冑魏絳於今莫
許和聖主有時臨便殿朔方早爲奏鏡歌

七夕劉玄子諸君過小齋分得寒字

天津此夜路漫漫涼雨初過暑未殘星駕共臨雲路
曉金風忽起白榆寒小齋不忝鷓鴣樹薄餉何如首
蓀盤共摘匏瓜挹大斗夜闌笑指女牛看

送屠田叔之南部

一夜秋風落木催潞河水長畫船開十年不調又南
去此日爲郎自北來作賦好過桃葉渡參禪且上雨
花臺紛紛天地皆戎馬愁聽荒城鼓角哀

送胡少白司訓沅江

一日除書下沅江可憐意氣也能降纔分學士春風
座又伴諸生夜雨窻白馬洞中砂似錦天心湖畔水
流淙武陵一片如拳地海內文章自楚邦

履壯宗侯青藜閣

峇堯飛閣聳江城寶洞丹崖一望平帝子文章驚太
乙仙人藜火照長庚星長手摘窺三象經學家傳似
兩京儻有姓名通上界只看東壁與西清

芾斯宗侯逸園

平疇莽莽種青蔬老圃爲園總不如四海賓朋三畝
宅風雨一床書灌泉寧用常提甕帶月何須目

新美合書齋
荷 身世閑閑機事少蒼筠翠竹遶吾廬

重陽前一日

涼風搖落莫悲秋買酒齋頭竟日留尋菊願封甘谷
長啣杯不薄醉鄉侯明朝九九天難問小徑三三月
已流白鴈黃雲看滿眼相邀還上最高樓

秋日同王鍊師鄒汝光談玄

頻來不厭酒杯寬浮世能埤幾日歡縱飯君看 曰
幘長生我欲著黃冠圍棋賭得青龍小採藥能禁石
洞寒他日相逢訪鸞鶴莫留鷄犬與人看



